

ԵՐԿՐՍՈՒԹԵԱՆ ՄԴԻՏԱԿՆ ՈՒ ՍԵՒԸ

Posted on June 4, 2011 by Keghart



Category: [Opinions](#)



Սահակ Թուրթեան, Լոս անճելըս, 31 Մայիս 2011



Քաղաքական երկխօսութիւնը, ընդհանրապէս, անկասկած նախընտրելի եղանակն է տարակարծութիւններու լուծման եւ կայունութիւնը ապահովելու ճիգերուն: Մանաւանդ, երբ կողմերու համար փոխշահաւետ է այդ լուծումն իրագործել առանց անհարկի ցնցումներու եւ վտանգաւոր, յաճախ արիւնալի առճակատումներու:

Ասիկա ի զօրու է, գրեթէ հաւասարապէս, միջազգային ու ներազգային յարաբերութիւններու մէջ: Երբ բանակցութիւնները դադրին, կապերը խզուին եւ երկխօսութիւնը դադրի վերջնական կարծրացմամբ, այն ատեն բիրտ ուժն է որ կը գրաւէ հրապարակը: Տարակարծութիւններու հարթումի միակ կերպը կը դառնայ պատերազմը՝ ազգերու պարագային, կամ քաղաքացիական կռիւը՝ ներազգային տարբեր ուժերու միջեւ:

Սահակ Թուրթեան, Լոս անճելըս, 31 Մայիս 2011



Քաղաքական երկխօսութիւնը, ընդհանրապէս, անկասկած նախընտրելի եղանակն է տարակարծութիւններու լուծման եւ կայունութիւնը ապահովելու ճիգերուն: Մանաւանդ, երբ կողմերու համար փոխշահաւետ է այդ լուծումն իրագործել առանց անհարկի ցնցումներու եւ վտանգաւոր, յաճախ արիւնալի առճակատումներու:

Ասիկա ի զօրու է, գրեթէ հաւասարապէս, միջազգային ու ներազգային յարաբերութիւններու մէջ: Երբ բանակցութիւնները դադրին, կապերը խզուին եւ երկխօսութիւնը դադրի վերջնական կարծրացմամբ, այն ատեն բիրտ ուժն է որ կը գրաւէ հրապարակը: Տարակարծութիւններու հարթումի միակ կերպը կը դառնայ պատերազմը՝ ազգերու պարագային, կամ քաղաքացիական կռիւը՝ ներազգային տարբեր ուժերու միջեւ:

Ըսել կ'ուզենք թէ՛ Հայաստանի մէջ տիրող ներկայ պայմաններուն տակ, սկզբունքօրէն դրական ու քաջալերելի քայլ մըն է քաղաքական երկխօսութիւնը որուն կը ձեռնարկեն ընդդիմութիւնն ու իշխանութիւնները:

Սկզբունքէն անդին, սակայն, բանակցութիւններու կիրառական եղանակին ու գործնական մանրամասնութիւններուն մէջն է որ թաքնուած է սատանան: Չար ոգին ծպտուած է հետեւեալ պարզ բայց խաբուսիկ հարցումներուն տակ:--

1. Իւրաքանչիւր կողմ ճիշդ ի՞նչ մտահոգութիւններէ դրդուած է եւ ի՞նչ նպատակներ կը հետապնդէ երկխօսութեան միջոցով:
2. Կողմերը ի՞նչ միջոցներ ունին՝ իրականացնելու համար փոխադարձաբար – կամ, այս

պարագային, հակադարձաբար – իրեն հետապնդած նպատակները: Ով ի՞նչ լծակներու կը տիրապետէ՝ զանոնք իրագործելու համար:

3. Երկու կողմերն ալ պատրաստ են յարգելու իրենց յանձնառութիւնները: Թէ՛ կողմերէն մէկը գաղտնօրէն պիտի հետապնդէ միւսին վարկաբեկումը, քաղաքական թուլացումը կամ համարեա չեզոքացումը որպէս նկատառելի ուժ:

Առաջին հարցումը մեկնարկային-սկզբունքային նշանակութիւն ունի: Կողմերու իսկական մտահոգութիւնները կրնան ըլլալ՝ ներկայիս երկրին դիմագրաւած ճգնաժամային խնդիրները – արտագաղթի տակաւ ահազնացող հեռանկարները, հասարակական-տնտեսական ահաւոր վիճակը (փա՛ռք օլիկարխիային), ներքաղաքական փտախտը, քաղաքացիներու եւ տիրող-գոփող-ասպատակող (առ այսօր ամենաճշգրիտ բնորոշմամբ) աւազակապետերու միջեւ անընդհատ լայնցող ու խորացող վիճիւրդ, դարաբաղեան հարցի աննպաստ եւ արագ “զարգացումները” (փա՛ռք քոչարա-սերժեան “դիւանագիտութեան” որ անձնական հարստացման “պարապմունքներէ” դուրս վատնելիք ժամանակ չունի նման “մանրութիւններու”), եւայլն: Այս իմաստով – տա՛յ Աստուած – կրնայ նաեւ հաշուի առնուած ըլլալ՝ Ռոբերտ Քոչարեան կոչուած ախտ-գործօնէն ինքզինք (Սերժ Սարգսեանը) եւ երկիրը (ընդդիմութիւն) ազատագրելու հասարակաց մտահոգութիւնը երկու կողմերուն համար ալ: Հետապնդուած նպատակներուն, սպասուող արմատական փոփոխութիւններու շարքին մէջ պետք է իյնայ, ամէն բանէ առաջ, երկրի ազգային անվտանգութեան ու պետութեան գոյատեւման իրական երաշխիքներու ապահովումը, ճշմարիտ ժողովրդավարութեան վերահաստատումը, ընկերային խորացող վերքերու բուժումը, բռնաբարուած օրինականութեան վերադարձը, բոլո՛ր քաղբանտարկեալներու անյապաղ ազատումը, մարտիմէկեան ամէ՛ն մակարդակի ոճրագործներուն դատավարութիւնը, արդար ընտրութիւններու իրական նախապայմաններու եւ ազդու վերահսկողութեան ճշմարիտ լծակներու հաստատումը եւ, սկսելու համար, անյազուրդ օլիկարխիայի հայրենաքանդ ախորժակներուն սանձումը: Երկխօսութեան համար ընդդիմութեան ներկայացուցած շատ համեստ նախապայմանները սկսելո՛ւ համար են միայն եւ չափազանց ժուժկալ: Անոնք կը վերաբերին իշխանութիւններու ապօրինիութիւններու եւ անարդարութիւններու վերացման եւ օ՛ր առաջ գործադրուած ըլլալու էին՝ ինզինք յարգող որեւէ ժողովրդավար իշխանութեան կողմէ:

Երկրորդ հարցման պատասխանը որոշիչ դեր ընկն էրկխօսութեան յաջող ելքի եւ փոխադարձաբար գոհացուցիչ եզրակացութեան յանգումին համար: Կասկածէ վեր է իշխանութիւններու ձեռքին մէջ կեդրոնացած նպաստաւոր խաղաքարտերու գոյութիւնը՝ սկսեալ ուժային կառոյցներու օգտագործումով, ու հասնելով մինչեւ ընդդիմադիր դաշտի տարբեր հոսանքներու միջեւ եղած հակասութիւններու անխնայ շահագործումը: Միւս կողմէ, իր լայն ըմբռնումով առած, ընդդիմութիւնը արդէն ի

սկզբանէ խճանկարային տեսարան մը կը պարզէ – Հայ Ազգային Գոնկրէս, Ժառանգութիւն, ՍԴ Հնչակեան Կուսակցութիւն, Դաշնակցութիւն, Սարդարապատ, եւայլն: Նախատեսուած երկխօսութիւնը արդէն սկսած է յաւելեալ ճեղքեր բանալ ՀԱԿ-ի մաս կազմող կուսակցութիւններու եւ շարժումներու շարքերէն ներս: Այս վիճակը յարաբերաբար աննպաստ հարթութեան վրայ կը տեղադրէ ընդդիմութիւնը: Ընդդիմադիր դաշտի անխտիր բոլոր կազմակերպութիւններու զգուշութիւնը եւ աջալըջութիւնը միայն օգուտներ կրնան ապահովել երկխօսութեան հայրենաշէն ելքիս որպէս սատար:

Երրորդ հարցման պատասխանը սկսած է սպասուածէն աւելի կանուխ տրուիլ, մանաւանդ իշխանութիւններուն կողմէ: Նախ, անոնք շթահամարով է որ կաթիլ առ կաթիլ կու տան իրենց արդէն ժլատ խոստումները: Այս տողերը գրուելու պահուն, վերջերս կալանքի տակ եղող վեց քաղբանտարկեալներէն միայն երկուքը – Նիկոլ Փաշինեանն ու Սասուն Միքայելեանը – ազատ արձակուած են առայժմ: Դեռ բանտարկուած կը մնան Սարգիս Հացպանեանը (անձնական քինախնդրութեան հետեւանքով՝ ըստ իր իսկ վկայութեան), Արա Յովհաննիսեանը, Շմաւոն Գալստեանն ու Մուրատ Բոջուլեանը: Մարտի ՄԷԿի ողբերգութիւններու իսկակա՛ն պատասխանատուներու վերաբերեալ բովանդակազուրկ խօսքերէ անդին իրական քայլեր նշմարելի չեն տակաւին: Իսկ արտահերթ ընտրութիւնները իշխանաւորներու կողմէ բացառուած կը համարուին, մինչ ընդդիմութիւնը այդ պահանջը կը նկատէ երկխօսութեան բանալի կէտերէն մին: Կանխանշանները դժբախտաբար ցոյց կու տան թէ իշխանութիւններու նպատակն ու աշխատելակերպը չեն փոխուած ըստ էութեան: Անոնց քաղաքականութեան հիմնաքարը կը մնայ՝ իշխանութեան եւ օլիկարխներու միահեծան տիրապետութեան յաւերժացումը:

Կը մաղթենք սխալած ըլլալ:

Մինչ այդ՝ բարի երթ խաղաղութեան ճշմարիտ առաքեալներուն:

